

FILIPENSES

Ra søcuą bi 'yorba ra Pablo ɯ yɯ 'yɛc'yɛi bɯ ja ra daɦnini Filipos

Ran zengua

1 Nugą drą Pablogą dí yo'be ra Timoteo drą 'yɛɦɛ'be ra Jesucristo. Dí o't'á'be na ra søcuą gątho aɦɯ ma zɯ cu aɦɯ, ne ɯ yɯ ngurbi ne ɯ yúm fąts'ihɯ yɯ ngurbi, ne gątho ɯ i 'bɯpɯ ra daɦnini Filipos ngue i ten'na ra Cristo. ²Pe dí ndep Oją ma Tahɯ ne ma Hmuhɯ ra Jesucristo da 'yents'ahɯ rąn japi ne da hyut'a ni mbuihɯ.

Nu ra Pablo i ąp ra jamadi Oją nanguie yɯ 'yɛc'yɛi

³Jamadi, dí ɛmp'a ma Oją, n'dandį ngu n'dandį dím bɛn aɦɯ, nguetho gue aɦɯ mam fąts'i aɦɯ bi 'dacą Oją. ⁴Ne ząi ɛmme i jagą ran johya 'bɯ dí ąpą ra jamadi Oją nanguie aɦɯ. ⁵Ne dadín johyagą nguetho n'dat'a rá 'befi ran ho ma'da'yo dí comhbɯ, gue'a gńi zejɯ a, ne gue'a gą 'yothɯ 'bɯ rá mbudi gą 'yec'yɛɦhɯ, ne asta gue yɯ pa i jabɯya. ⁶Nugą dí pađi ngue Oją di thocta a ra hoga'befi ngue bi dą'mi bi 'yorbɯ ni mbuihɯ, jananguie a di juadi xɯn ho 'bɯ bi zɔn ra pa

ba ɛɦ mahɔn'a ra Jesucristo. ⁷Ne gue'a ná ąpą ra jamadi Oją a, ngue ɛmme dím bɛn aɦɯ. Ne tengu'bɯ 'da'angu dí sąhɯ ran ɯnbi dí sągą ne gue'a ná comhbɯ rąn japi Oją a, dá gue'bɯ dí ofądigą, o gue'bɯ dí 'bąpɯ ja ran juąnbate, ngue dadín yąn a rąn ho ma'da'yo ra Cristo dím ma ngue majuąni a. ⁸Ne hont'a Oją i pađi hangu nan gu bɯ ná huɛc'ahɯ, ne tengu bɯ ɛmme ni huɛgahɯ ra Jesucristo. ⁹Hananguie'a dí ąp Oją ngue man'da xɯn gu din ja aɦɯ ran huɛcate n'da ngu n'da aɦɯ, ne din ja aɦɯ ran 'yomfɛni xɯn ho, ne guim bɛmhbɯ xɯn ho nanguie a 'be'a gątho guí othɯ. ¹⁰N'damhma gui huanhdɯ 'be'a man'da xɯn ho gui 'yothɯ, ne n'dat'a guim bɛmhbɯ, ne hin hapɯ di nequi ni ts'oquihɯ 'bɯ bi zɔn ra pa ngue ba ɛɦ ra Cristo. ¹¹Ne hont'a ra Jesucristo są di 'da aɦɯ ra hogambui, ngue xɯn gu yɯ hoga'befi dín ja aɦɯ, ne gue'a dí t'ɛspa Oją a.

Hont'a ra Cristo nám 'bɯ a ra Pablo

¹²Ma zɯ cu aɦɯ, dín nde aɦɯ ngue gui paɦmbɯ, gue'a nán te

ran ho ma'da'yo a nám 'bäcä ua. ¹³Ngue gätho yu dofui ua ja ran guts'ut'abi, ne'u gätho mi'da yu ja'i i pađi ngue rá 'befi ra Cristo a ná 'bäcä ua. ¹⁴Ne dá gue'bu dí ofädigä, pe gue'a ní hyut'an zambui ma cuhu ngue'u xun gu i 'bucua, ne hinguin su 'bu im man räm hman Oja. ¹⁵I 'bucua 'da u ngue im mamp'a räm hman Oja, i seya nangué räm hman Oja dí øt'ä. Pe i 'buh mi'da ngue im man räm hman Oja ngue nde da 'yøt' ran ho. ¹⁶Ne nu'u ngue u i ja ran ts'eya, im ma nangué ra Cristo, nguetho in nde 'be'a da dase u. Pe hinga gätho rá mbui im ma, pe høntho nde u ngue di yop a ma dumbuigä ua ja ra fädi. ¹⁷Pe nu'u mi'da di huëgä, ne nde da mbäxgui, ne gue'a ní man räm hman ra Cristo u, nguetho i pađi 'be'a ná 'bäcä ua, ngue dín yanba a rán ho ma'da'yo ra Cristo. ¹⁸Pe madague a hønt'a go to'o im mamp'a räm hman Oja, dá gue'bu n'dat'a im be'ni o hin'na 'bu im ma nangué a ra Cristo, ne guexa a emme dadín johya. Ne thocua thoho dan johyagä. ¹⁹Nguetho dí pađi ngue ga pømanhogä ua ja ra fädi, nguetho zai guí äfu rá ts'edi Oja nanguécä, ne zai i fäxcä rá Hogandahi ra Jesucristo. ²⁰Nugä hin dín ndegä ngue m'bejua ga pe'ts' ma sä nangué 'be'a dí øt'ä, pe emme dín nde ga hut'an zambui gam mangä xun ho räm hman Oja 'bu bi ts'egbä. Janangué a gätho yu ja'i da bah rán uixte ra Cristo nangué a dí øt'ä, madague'bu dí 'bucä o gue'bu da thogä. ²¹Nguetho hønt'a dí 'bui nangué ra Cristo, dín ndegä ngue dín uixte ra Cristo nangué

'be'a gätho dí øt'ä, ne man'da tho 'bu dá tugä. ²²Pe nu'bu guexa a dadí thoqui dí 'bucua ja ra häi, sä ga tåh mi'da yu ja'i ngue da 'yëc'yëi a ra Hmu mahëts'i. Pe hin dí paše nda a ga huanhni, Hague dam 'bui, uague ga tu. ²³Pe nugä emme xun he'i ga pađi nda a ngue man'da xun ho. Pe nu'bu da hønsegä, man'da dín nde 'bu ga tu ngue ga mba ním 'bu'be ra Cristo, nguetho man'da xun ho nanguécä. ²⁴Pe man'da xun ho nangué ahü ngue guexa a dí 'bucä ua ja ra ximhäi. ²⁵Janangué a dí hañanjuani guexa a dam 'bucä ua ngue ga fäx ahü ngue dín te ni t'ëc'yëihü. Ne man'da dín ja ahü ran johya 'bu man'da gä 'yëc'yëihü ra Cristo. ²⁶Ne nu'bu dí 'bucä ua ja ra häi, ne guín nuju mahøn'a, emme da hyu ni mbuihu nangué ra Cristo, ne gui 'yëspahü ra Cristo büya. ²⁷Pe damam 'buhmbu 'be'a rán sähu rán ho ma'da'yo ra Cristo. Ne madague a 'darbu dí 'buhmbu o yabu dí 'bucä, pe ga øcä ran ho gui 'yøthu büya, nangué 'da' angu guim be'mhbu, ne gui fähmbu ma t'ëc'yëihü nangué rán ho ma'da'yo ra Cristo. ²⁸Ne hin gui suhu to'o da zu ahü nangué ran ho ma'da'yo. Ne nangué hin gä suhu, da bađi ngue di 'beh yú te u, ne da bađi ngue i ja ahü ra temazai ngue bi 'da ahü Oja. ²⁹Nguetho hinga hønt'a ran ho bi 'da ahü Oja ngue gui 'yëc'yëihü ra Cristo, pe ne'a man'da ran ho, ngue gui sähu yan unbi nangué ra Cristo. ³⁰Ne 'da'angu dí øthu ya, dadín unbahü ngue dín yamhbu a ran ho ma'da'yo, tengu thoho gä nuhu dá øt'ä mäm'bet'o, ne guí øhmbu ngue guexa'a dí øt'ä ya.

Nu rán uixte ra Cristo,
hin'yũ ran 'yęts'i

2 Nu'bu gue'a ra Cristo di ze ahũ, ne guí pãhmbũ rán huęcate a, ne nu'bu guín 'yohũ rá Hogandãhi Ojã, ne guí pãhmbũ gui 'yõthũ ra yembũi ne ra mate, dan johyagã 'bũ. ²Pe dami yusca ma mbũi ran johya nanguie 'be'a guí õthũ ya, ngue n'dat'a guim bẽmhbũ, ne 'da xctín huęctahũ, ne 'da'angu nin 'yomfẽnihũ guim bẽmhbũ, hinga 'dahma 'dan'yo guim bẽmhbũ. ³Ne hin ga õthũ ran 'yũya, ne hin dan 'yęxhũ, ne hin gam bẽmhbũ ngue dan uixtehũ, pe man'da da bẽnse n'da hingui hose xinda gue'u gã mi'da. ⁴Ne hinga hõnt'a ga honsehũ gam bẽmhbũ, pe ne'a i hon u mi'da ga fãxhũ. ⁵Pe n'da ngu'n'da dam bẽmhbũ tengu tho bũ í bẽnju ra Cristo. ⁶Nu ra Cristo 'da'angudui Ojã a, pe him bin 'yęzehe ngue Ojã a, nguetho bi bẽnju. ⁷Ngue bá sogui gãtho rá ts'edi mahętsí, ne bin 'yęhe 'bũ mín ja'i ua ja ra ximhãi, ne bi mbãx yũ ja'i. ⁸Ne nu'bu mín ja'i xingui ts'u bin 'yęts'i, pe bi 'yõt'e gãtho 'be'a min nde Ojã, ne bi du bũ ja ra pont'i tengu n'da ra ts'om'bãi. ⁹Ne nanguie a bi 'yõt' ra Cristo, Ojã bi 'yęspa a, ne bi un ra ts'edi man'da xũn gu, ne gue'a ra thuhu bi unni ęmme man'da di muui. ¹⁰Jananguie a nu'a ra Jesús gue'a rán säui din thãnde a, gãtho 'bũpũ mahęts'i necua ja ra häi ne'u gãtho xũn du, yũ ja'i ne yãm 'behni Ojã ne yũ zĩthũ, gãtho da 'yęspa ra Jesucristo ra Hmu. ¹¹Ne gãtho nãn gu da bãdi ne da ma ngue gue'a ra Jesucristo

a ra Hmu nanguie gãtho 'be'a i ja, n'damhma gãtho da 'yęspa Ojã ra Ta.

Nu yũ 'yęc'yęi guesẽ u yũn
yot'i ua ja ra 'bexui

¹²Jananguie a ma zũ cu ahũ ngue dadí huęc'ahũ, zãi gã 'yõthũ 'be'a dá xi ahũ nu'bu 'darbũ mãm 'bũhmbũ, pe madague'a yaua dí 'bũcã ya, man'da hnehi thoho gui 'yõthũ a nin sãhũ ngue i 'bũh ma pørpatehũ, ne hin gan 'yęxhũ, pe guin numansuhũ Ojã. ¹³Nguetho gue'a Ojã dim pẽpũ mbo ma mbũihũ ne gue'a di 'dajũ rá pãhä ne rá ts'edi ngue ga ørbahũ rá pãhä Ojã. ¹⁴Ne o gadí yãni thohũ, xín gan junthũ, pe dami 'yõthũ gãtho in nde Ojã. ¹⁵N'damhma njon da dingahũ n'da ran ts'o ngue da ma i ja ma ts'oquihũ. Pe dam 'bũhmbũ tengu man sãhũ ngue yũ hogat'ahni gahũ Ojã, guerpũ 'bũ u yũ ja'i ngue i øt' ram fe'ts'i. Jananguie a ga øthũ bũya tengu n'da ran yot'i bũ ja ra 'bexui, ngue ga xihmbũ rá m hman Ojã di un ra te. ¹⁶Ne nu'bu gui xihmbũ rá m hman ra temazãi, nugã dan jhyagã 'bũ bi zõn ra pa ngue ba ęh ra Cristo, ngue hin'yũ 'be'a dá pe'ts' ma sä nanguie ra 'befi xtã øt'ã bũ guí 'bũhmbũ. ¹⁷Nguetho dadí hoc'a ni t'ęc'yęihũ, tengu'bu dadí hocã n'da ra 'bõts'e, xũn ho 'bũ dá undã Ojã. Ne nugã 'bũ hin dí gua u yũn ęngi dá sä 'bũ gmí 'yęc'yęihũ, pe man'da xũn ho 'bũ ga un ma te ne ga fãm ma ji, ngue dí gua a ra 'bõts'e ga undã Ojã nanguie gãtho ahũ. Guexta a dadín johyagã, ne da zã gui hyãmhbũ man johyagã. ¹⁸Jananguie a ga comhbũ man

johyagä 'bũ bi zøn ra pa da t'ɛna da thogä.

Ra Timoteo ne ra Epafrodito

¹⁹Ne nu'bu rá pähä Oja 'bex ga pen'nahũ bu ra Timoteo da nu ahũ. Ne nu'bu dá paði 'be'a gadí jahũ bu dan johyagä bũya. ²⁰Nguetho njohgui 'bũcua man'da ngue im bɛni tengu dím bɛm'be ra Timoteo nangue ahũ. ²¹Nguetho gätho mi'da i 'bũcua im bɛnɛ nangue yú 'befi zɛhɛ, ne him majuqani rá 'befi ra Cristo Jesús im bɛm bũya. ²²Pɛ ya guí paħmbũ ngue ɛmme di muui nangue 'be'a i ɔt' na ra Timoteo, ngue dí com'be rá 'befi Oja, tengu n'da ra ts'unt'u i conhui rá 'befi rá ta. ²³Pɛ dí tɔ'mi hasta gue'bu ga paçä 'be'a din jacä ua. Ne m'bejua ga penhdä bu na ra Timoteo. ²⁴Pɛ xømhma da nde ra Hmu mahɛts'i ngue da zä ga mba bu n'dihi, gan nu ahũ. ²⁵Pɛ dím bɛni ngue m'bet'o ga pen'nahũ bu mahøn'a na ra Epafrodito, ma cuhũ, ne dí com'be rá 'befi ra Cristo dín yaŋba'be a rán ho ma'da'yo. Guehna guá pɛncä'be ua nangue da mbäxca'be. ²⁶Pɛ nuya ɛmme nde da mba bu gam 'bũhmbũ mahøn'a, ne ɛmme tu rá mbui ngue ya rá 'yøhmbũ ngue mí u a. ²⁷Ne majuqani ɛmme mí u ne mi ts'utho xtán du. Pɛ nangue rá mate Oja ngue him bi du. Ne nu'bu xtán du, man'da ɛmme xũn gu ra dumbui xcá nugä 'bũ. ²⁸Pɛ janangue a dí humbi ga penhdä n'dihi na, n'damhna gan johyahũ 'bũ guin nuhũ mahøn'a, necä da hyu ma mbuigä ua. ²⁹Ne nu'bu bi zøm bu dami simhbũ xũn ho, ne gui 'yãfũ ra jamadi Oja ngue bi xox a. Ne

gätho yũ ja'i guin numansuhũ ngue ɔt'e tengu i ɔt' na ra Epafrodito.

³⁰Ne nuna mi ts'utho xtán du nangue rá 'befi Oja, nguetho bi 'yɛn rá te nangue bi zɛqui, ngue bi 'yɔt' ra 'befi tengu tho'bu gue ahũ xzuí zɛju.

Nu ra Cristo 'bũ dí ɛc'yɛihũ, gue'a ní bo ma mbũihũ a

3 Nuya ma zũ cu ahũ, dí xi ahũ, daman johyahũ nangue ra Hmu mahɛts'i. Nugä hin dadín xømmbui ngue ga xi ahũ mahøn'a, gan johyahũ, nguetho nin hos'ɛhũ ngue dí xi ahũ. ²Daman jamansuhũ nangue u yũ ts'on'yomfɛni ja'i, nguetho nu'u tengu tho'bu yũ satexa'yo, ne i xi ahũ jatho da hmɛpya ni ja'ihũ ngue da mba nthɛqui ahũ. ³Pɛ nuju majuqani am hmɛpya gahũ bu na nuju Oja, nguetho dí thãndehũ Oja nangue rá Hogandahi, ne dadín johyahũ nangue a ra Cristo Jesús, ne dí paħmbũ hinga gue'a man hosegahũ ní 'yɛnju yú t'unigahũ Oja. ⁴Pɛ nu'bu 'bo'o sä ɛna yú t'uhni Oja nangue xũn hose, pɛ man'da sä xcá ɛngä 'bũ, nguetho man'da mi pømãno man t'ɔt'egä. ⁵Nguetho dãm 'bui nangue yũ judío, ne ná hyãtopa xtãm 'bucä 'bũ mi thegä ma xífani, ne gätho dá comhbe a bi xije Oja dyú hebreohe dyú judíohe, nguetho nu'a ma ta ra hebreo a gue a bi xãnd mam bombøta ra Benjamín mi 'bũh maya'bu. Ne dá tendä 'be'a im man yũ fariseo, ngue ɛmme dá humbi dá ɔt'ä u yún t'ɛdi yũ judío. ⁶Ne nugä ɛmme dá yaŋgä a ma t'ɛc'yɛihe dyú judíohe, janangue a madí unba yú 'yɛc'yɛi

ra Cristo. Ne mi øt'a ɯ gätho yæn ho im man ɯ yún t'edi yu judío, janangue'a njo'o to'lo mi sä da man'a n'da rán t'edi Oja ngue dá festhoho. ⁷Ne mím bængä ní zingä Oja a man hose. Pe nuya dí paði ndetho di 'berpa nín 'yomfëni n'da a. Ne dá ε'ts'ä a ná bængä xøn ho segä janangue bi zä dá tjingä ran ho nangue ra Cristo. ⁸Ne madague'a hangu nan gu xtá øzehögä, pe ndetho man'da dí 'bedi, nguetho man'da di muui ngue dí paçä ra Cristo Jesús ma Hmu. Janangue a gätho man hose dá 'bedi, ya him mím numanho, n'damhma bi zä dán 'yo'be ra Cristo. ⁹Ne nuya sä dam 'bu'be ra Cristo, ne ntemanho i jagä 'be'a dí øzehögä nangue yæn t'edi, pe nangue a dí ε'c'yei 'be'a bi 'yørca ra Cristo, ne gue'a í bo ma mbui a ne in numanhogä Oja. Nguetho Oja in numanho ɯ i hantho rá mate ra Cristo. ¹⁰Ne nuya hønt'a man'da εmme dín nde ga paði xøn ho a ra Crsito. Ngue ga com'be xøn ho a rá ts'edi bin t'um 'bu mi dámbëni, nguëpɯ da zä dam 'bui xøn ho 'bu dí 'bütua ja ra ximhäi, ne da zä dan ɯnbä tengu yæn ɯnbi bi nu a, ne da zä ga com'be rán ðate, ngue nde da ma di 'berqui xøn ho a man yombui zehë. ¹¹Ne nubüya xømhma thoho da zä ga com'be xøn ho a rá ts'edi ra Cristo bin t'um 'bu mí dambëni, ngue dam 'bui xøn ho a ra 'da'yote.

**Gan uęnthohɯ ga tãhmbɯ
ra 'dihí büya**

¹²Pe nugä hingui sä gam mangä ngue gätho dí com'be rá ts'edi ra Cristo, nguetho hin daná søni ngue gätho xtán hotho ga øt'e. Pe guexta

a dadí thoqui dí honi ngue ga paði gätho 'be'a bi bængä ra Cristo Jesús 'bu mi bændgä. ¹³Pe ma zɯ cu ahɯ dí xi ahɯ ya, ngue hinga gätho dí øt'a xøn ho, pe hin dín nde gam bængä mahøn'a 'be'a xtá øt'a mam'bet'o. Pe guexta a εmme dadí thoqui dí nde man'da ga øt'a ran ho, ngue ga tãhã xøn ho. ¹⁴Ne dín nde gan uęntho xøn ho, ngue ga tãhã ga han a í zoncahɯ Oja bu mahęts'i ga hamhbɯ, nangue dí ε'c'yeihɯ ra Cristo. ¹⁵Ne gätho ahɯ ngue xøn te nin 'yomfënihɯ nangue ni t'ε'c'yeihɯ, nde'bu 'da'angu guim bëmhbɯ tengu dím bængä. Ne nu'bu bu a n'da ahɯ n'dan'yo guím bëmhbɯ, nu a Oja di ja ahɯ ngue gui paħmbɯ 'be'a nde Oja. ¹⁶Pe nde'bu ga thohmbɯ tengu zai dí øthɯ, nangue rá 'befi Oja. ¹⁷Ma zɯ cu ahɯ, dami tenhdɯ a 'be'a dí øt'ä, ne'ɯ mi'da 'bu i øt'a tengu dí øt'ä, dami tenhdɯ ɯ. ¹⁸Nugä drá Pablogä, ga xi ahɯ mahøn'a, εmme xøn gu yɯ nidj ya xtá xi ahɯ, nguetho εmme tu ma mbui nangue 'be'a i øt'u 'da xøn gu, i ęna i 'yo bu rá 'yu Oja, pegue din sũhbɯ ra Cristo ngue hingui ε'c'yei 'be'a í du bu ja ra pont'i. ¹⁹Ne da zøn ra pa ngue da guadi ne di 'beh yú te, nguetho hønt'a 'be'a i si ne 'be'a ndese rá ja'i i hađumbui. Pe εmme din 'yęx ɯ nangue 'be'a i øt'u ne hin'yɯ yú 'yaşä. Ne hønt'a im bęni nangue a 'be'a jaua ja ra ximhäi. ²⁰Pe nuju dyú 'yęc'yeihɯ, dyú menguhɯ bu mahęts'i, ne dadí thoqui dí tømдахɯ ngue ba ęh mahęts'i a mam pørpatehɯ, ngue gue'a ma Hmuhɯ ra Jesucristo. ²¹Ne nu'a ra Cristo di pãrca ma ngøc'yęihɯ tengu rá ja'izehë ngue nuixte thoho, rá

rs'edi i ja. Ne n'dat'a rá ts'edi ngue di manda 'be'a gätho i jaua.

**Thoscuá thoho dan johyahú
nangue ra Hmu**

4 Ma zú cu ahú ɛmme dadí huɛc'ahú ne ɛmme dí m bɛn ahú, nguetho xcá 'dajú ran johya, ne nangue gá 'yɛc'yɛihú, gue'a ní nequi xún ho ma 'bɛfigá a. Ne nuya ma zú cu ahú, o gadí uanspa nin 'yomfɛnihú nangue ni t'ɛc'yɛihú. ²Ne nu aui man ju aui nangue ra Cristo ra Evodia ne ra Síntique, dami 'yørcaui ra mate ngue 'yo gadín sùhmi, nguetho gadín cuui nangue ra Hmu mahɛts'i. ³Ne nu i ma hogamfäts'i ngue gá fäxca ra 'bɛfi, dami fäx u yú xisu ngue dí m 'búmanho, nguetho ɛmme däm pecähe u nu'bu má mamhbe bú rán ho ma'da'yo ra Cristo. Ne a ra Clemente ne'u mi'da bi mbäxqui, ngue gätho bi thusca ma thuhuhú bú ja ra xøcuq bú mahɛts'i nangue bin 'dajú ra temazai. ⁴Pe thocua thoho dan johyahú nangue ra Hmu, ne dí xi ahú mahøn'a, dan johyahú. ⁵Ne ga fäxhú ma mija'ihú, n'damhma gätho yú ja'i da nu ngue dadí jamansuhú 'be'a nám 'búhmbú. Ne gam bɛmhbu ngue mi ts'utho ba ɛh ra Hmu mahɛts'i. ⁶Ne hin ga hædumbuihú nangue 'be'a gätho dí homhbú, pe gätho ga xihmbú Oja 'be'a dí homhbú, ne ga xihmbú ra jamadi ngue zai ørcahú a xún ho. ⁷Ne nu Oja da hyurca ma mbuihú búya nangue ran johya hingui sä xtám bæse n'da, pe gue'a ran johya ní jamansuc ma mbuihú ne man 'yomfɛnihú, nangue dí n 'yohú ra Cristo Jesús.

Gam bɛmhbu 'be'a gätho xún ho

⁸Nuya ma zú cu ahú, mi'da jaua ngue dí n de ga xi ahú. Ngue gam bɛmhbu gätho 'be'a a majuani, ne gätho 'be'a yún thehú ngue dí hnumansujú, ne gam bɛmhbu hin di yoho bú dá øthú 'be'a dí øthú, ne hin te man ts'o gam bɛmhbu. Ne gam bɛmhbu ga ørpahú 'be'a dí hyu yú mbúi u ma jija'ihú, ne gam bɛmhbu ga øthú 'be'a mfadi ngue xún ho. Ne gam bɛmhbu gätho 'be'a ɛmme xún ho, ne gam bɛmhbu ngue 'be'a gätho da t'ɛspi xún ho. ⁹Ne gui 'yøthú 'be'a gätho dá xän'nahú, ne gui ténhdú gätho 'be'a xtá ut ahú. Ne nu'bu ngubú gui 'yøthú, da zä gan 'yohú xún ho Oja ngue zai i hurpa ní mbúi n'da.

Bi 'benpi ts'u ram fäts'i a ra Pablo

¹⁰Ne nu Oja bi 'dacá ran johya nangue a gá bɛnjú mahøn'a, ngue gadí zejú ts'u. Ne dí paçá ngue hin gá pumbɛnijú, pe hønt'a nja, him mi sä bú gui zejú mam'bet'o. ¹¹Pe hin dí ɛna ngue xcán unbá 'bu hin xqui fäxcahú, nguetho ya xtán zai ngue i jagá ran johya madague'bu i ja a ga honi o hin'yú. ¹²Nugá dí paçá 'be'a nám 'búmanho n'da ra hyoya, ne dí paçá 'be'a nám 'búmanho n'da ngue i ja xún gu. Ne dadín johyagá madague a dí n niyaçá o gue dí tumanthuhugá. Ne hønt'a go 'be'a dí n nu, uague xún gu i jagá o hin'yú, pe i hu ma mbuiçá. ¹³Ne hønt'a go má ts'edi i ndec Oja, ya gätho sä ga øt'e, nguetho i fäxca ra Cristo. ¹⁴Pe guexta a xún ho gá 'yøthú ngue gá zejú ts'u, ngue i pan hnuman'ugá. ¹⁵Ne nu ahú gui

'bühmbu bu Filipos, guí pähmbu
 ngue hönse ahü gá zejü ts'u nu'bu
 má pöngä bu ra häi Macedonia,
 ngue rá mbädi dá mangä ran ho
 ma'da'yo bu, ne gá pencahü ra
 mbeti. ¹⁶Ne nu'bu guexta a mí
 'bücä bu ra hnini Tesalónica, yondi
 hyundi gá pencahü ra mbeti, gue'bu
 má hongä. ¹⁷Ne hinga höntho dín
 nde ga hani, pe dín nde ngue di jap
 ahü Ojä nangue a xcá 'dajü, nangue
 gá zejü. ¹⁸Nugä ya dá hani 'be'a guá
 pencähü 'bu mi zöcua ra Epafrodito,
 ne i pongui ts'u 'be'a dí honi. Ne
 nangue 'be'a guá pencähü, nu Ojä i
 numanho, tengu'bu n'da ran t'unni
 emme di muui. ¹⁹Ne nu'a ma Ojähü
 di 'da ahü xün ho 'be'a gätho guí
 homhbü nangue dí 'bühmbu ra

Cristo Jesús. Nguetho nte di 'be'a,
 ne emme xün ho a di 'dajü. ²⁰Pe dí
 espahü ma Tahü Ojä ne gätho yu pa
 mazäi. Ne hönt'a dím bęngä a.

Rán zegui ran zengua

²¹Ne dí pen'nahü ran zengua
 gätho yu 'yęc'yei ngue i 'bupü,
 nangue rá thuhu ra Jesucristo. Ne
 gätho ya yu cu dí 'bühmbe ua i
 pen'nahü ran zengua. ²²Ne'ü mi'da
 yu 'yęc'yei ngue i 'bücua ja ra hnini,
 gätho i pen'nahü ran zengua. Ne
 nu'ü yu 'yęc'yei ngue dim pecua
 ja ran guts'üt'abi man'da in nde di
 zengua ahü. ²³Ne nu ma Hmuhü ra
 Jesucristo dí äpä di 'da'ahü rán japi
 gätho ahü. Ne hönt'a dí xi ahü a, ne
 hönt'a gam bęmhü a ya.